

思濟堂方書

三



思濟堂方書卷之三

宛平賈邦秀升安氏校著

遼海姜國璜信侯氏全訂

婦人經病

辨治方藥大畧

經曰女子七歲腎氣盛齒更髮長二七而天癸

至任脉通太衝脉盛月事以時下陰陽合故能

有子天者天真之氣癸者謂壬癸之水故曰天

癸也然衝爲血海任主胞胎二脉流通經脉漸

盈應時而下常以三旬一見以象月盈則虧也



三旬一見者爲一小會之周天此其常也然有中會大會之不同故又有兩月一行三月一行一年一行者兩月一行者謂之並經三月一行者謂之季經一年一行者謂之避年終身不行而生子者謂之聖胎有按月從口鼻來者謂之逆行經有懷孕經水些須仍來而生子者謂之漏胎若遇行經最宜謹慎行經調理與產後相似若被七情勞役內傷六淫外侵則氣血錯亂以致經脉不行或前或後或多或少或紫或白

皆謂不調久則變成勞瘵等疾犯時微若秋毫
成患重如山岳可不慎哉

予按經脉不行非止一端大抵不離血滯血枯
而矣血滯者血瘀凝結經脉不通當以破血通
經如桂枝桃仁湯琥珀散之類是也血枯者血
短不能榮於週身焉有餘血行經之理當以養
血滋陰久補自通如四物湯左歸湯之類是也
不及期而來其色紫者血熱可知宜清熱和血
如加減逍遙散之類是也

方見醫門

如過期而不



止者宜芩心丸清之日久而不止者宜十灰散

澁之

方見血門

有經水適來內原有熱外受風邪

鬱結不通忽然經水斷絕晝則明了夜則譫語

發狂如見鬼狀此名熱入血室宜牛黃丸清心

豁痰柴胡湯和血解肌是也有經水適來偶感

風寒或坐卧濕地或洗浴當風或房勞後受寒

以致經水忽然斷絕故少腹絞痛掣引陰筋甚

而手足筋搐如雞爪者

俗名雞爪風

此名寒入血室

宜葱白散熱服

方見九痛門

後用薰藥總之婦人以



經水爲準經水調正則無病可爲要言不繁矣

桂枝桃仁湯

治感冒風寒瘀血作痛

桂枝 八分

桃仁 二錢去皮尖研如泥 紅花

丹皮

川芎

生地 各一錢

川大黃

酒洗

赤芍

歸尾

各一錢半

香附

四錢醋炒

引加生薑二錢紅棗肉二枚水煎溫服

琥珀散

治婦人月經壅滯每發心腹臍疔痛不可忍及
治產後惡露不快血上搶心迷悶不省氣絕欲
死者效若尋常氣血痛只一服產後血衝心二
服便愈好善君子預製以救痛苦

三稜

莪朮

赤芍

劉寄奴

丹皮

熟地

當歸

官桂

烏藥
正

延胡

各一兩

右前五味用黑豆一升生薑半觔切片米醋四

筋同煮豆爛為度焙干入後五味同為細末每

服二錢空心溫黃酒調下

四物湯

方見中風門

琥珀散

沉香沒藥乳香木香

各五錢更效

左歸湯

熟地

六錢

山藥

炒

山萸肉

各三錢

當歸

枸杞

杜仲

鹽水炒斷絲

續斷

川牛膝

龜板膠珠

揀芍

各一錢半

茯神

一錢

不用引水煎溫服

左歸丸內有鹿膠珠三錢兔絲子酒炒二錢無

揀芍茯神治陰虛諸病甚效

加味逍遙散

方見鬱門

芩心丸

治婦人天癸已過每月却行過多不止

條芩

老米泔水浸七日炙又炙如此七次

右爲末醋糊丸梧子大每服七十丸空心溫黃

酒送下日進二服

十灰散

方見血門

柴胡地黃湯

治婦人經水適至忽然斷絕寒熱往來晝則明了夜則譫語發狂如見鬼狀名爲熱入血室亦治產後惡露方來忽然斷絕

柴胡 三錢

製半夏

黃芩

各二錢
酒炒

人參 一錢

生地 一錢半

甘草 五分

引加生薑二錢紅棗肉二枚水煎溫服

牛黃丸

牛黃 三錢半

硃砂

鬱金

丹皮 各三錢

冰片

粉草 各一錢

為末紅蜜丸如黃豆大每服一丸新汲水化下

葱白散

方見九痛門

外薰法

川椒

蘼艾 各一兩

生薑 二兩切碎

老葱白

高醋 各半觔

老東酒 一觔

共入砂鍋內加水三大碗滾數滾傾入小罈內

令病婦坐於罈口上薰之如冷再溫再薰痛定

為止



癥瘕疝癖 辨治方藥大畧

婦人之病與男子無二所多者七癥八瘕九痛
十二帶是爲婦人三十六病更有胎前臨產產
後崩漏諸疾治法分門列部各有方論至於癥
瘕疝癖不可不辨癥者有塊可証而推之不動
爲癥瘕者假物成形推之而動爲瘕至於疝癖
則與痛俱痛卽現不痛則隱在臍左右爲疝在
脇肋之間爲癖在小腹牽引腰脇作痛爲疝名
雖癥瘕疝癖不同總不外乎食積痰飲氣



滯瘀血而成治此病者食則消之痰則豁之飲
則利之瘀則破之氣則順之無有不愈至於龍
蛇魚鱉肉髮蟲米瘕瘕等事皆出偶然但飲食
間誤中之留聚結塊假血而成自有活性雖內
所成之不同治法當以類相從所謂醫者意也
如以敗梳治蟲瘕銅屑治龍瘕麴蘖治米瘕石
灰治酒瘕如此等類學者所當知也

木香枳榔湯

方見傷食門

礞石滾痰丸

方見痰門

加味二陳湯 方見飲門

妙應丸 方見飲門

桃仁丸

治婦人血瘀血積經脉不通

桃仁 去皮尖
研如泥

川大黃

朴硝 各一兩
另研

蟲蟲 半兩炒
黑

右爲末以米醋二觔銀石器慢火煎取一觔五兩下大黃蟲蟲桃仁泥不住手攪煎至可丸下朴硝攪勻出之丸梧子大前一日不用吃晚飯

五更初溫東酒送下五丸日午取下如赤豆汁
或如雞肝蝦蟆衣之狀未下再服如鮮血來卽
止後以調理氣血藥補之此藥治病的切然而
猛烈氣血虛者不可用

三稜丸

治氣塊食癥酒癖血痕時發刺痛全不思食並
一切積滯皆效

三稜

莪朮

香附 各四兩

芫花 一兩

右同人磁器中用米醋五觔浸滿封器口炭火
煨令干取出稜术香將芫花以餘醋炒令焦同
稜术香焙干爲末醋糊丸如梧子大每服三十
丸生薑湯送下

如水泄腫滿作渴者用桑白皮二錢煎湯送下



或如雞肝蝦蟆衣之狀未下再服如鮮血來即
止後以調理氣血藥補之此藥治病切然而
猛烈氣血虛者不可用

三 咬木斷鯢齒并臥香川桑白皮二錢煎湯送下
此坐薑湯發汗解魚鱗等發利病全不思食者
蘇木香散并益末調服此噴醋干大鯢眼三十
懸命干車出蘇木香拌茯苓以醋調送命蘇同
亦同大鯢器用米醋正順氣斷性器口氣火

